

No.	Soalan	Jawapan
1	Apakah Skim Program Pembiayaan Dana Pensijilan Halal Negeri Pahang (PUSHPA)?	PUSHPA ialah skim program pembiayaan yang menawarkan kemudahan pembiayaan berjangka kepada usahawan Mikro dan Kecil yang layak untuk di bawah naungan agensi dan Jabatan Kerajaan di Negeri Pahang untuk mendapatkan pensijilan Halal.
2	Apakah skop pembiayaan di bawah PUSHPA?	Memberi kemudahan pembiayaan kepada Usahawan Mikro dan Kecil di bawah Kerajaan Negeri Pahang dan Agensi untuk mendapatkan pensijilan Halal. Kemudahan pembiayaan ditawarkan dalam bentuk pembiayaan berjangka yang melibatkan perbelanjaan modal (CAPEX) seperti berikut: - Menaik taraf premis atau pembinaan premis untuk memenuhi piawaian Pensijilan Halal; - Pembelian aset tetap perniagaan seperti mesin pemprosesan/pembungkusan yang memenuhi syarat Pensijilan Halal; - Untuk membiayai kos pembungkusan dan cetakan, kos analisa kawalan kualiti (nutrisi, kajian jangka hayat dan sensori), rekabentuk pembungkusan termasuk bayaran khidmat perundingan pembungkusan, kos acuan cetakan dan bahan pembungkusan; - Kos permohonan Pensijilan Halal.
3	Siapakah yang layak memohon pembiayaan di bawah Program ini?	Merupakan Usahawan Mikro dan Kecil di bawah naungan Agensi atau Jabatan Negeri Pahang yang menepati dengan ciri-ciri seperti berikut: - Warganegara Malaysia yang bermastautin di Negeri Pahang - Bagi perniagaan milikan tunggal, pemilik berusia antara 18 tahun (semasa permohonan) dan sehingga 65 tahun (semasa tamat tempoh pembiayaan) - Bagi Perkongsian: - Salah seorang pemilik/rakan kongsi mestilah berumur antara 18 tahun (semasa permohonan) sehingga 65 tahun (semasa tamat tempoh pembiayaan) - Semua rakan kongsi merupakan pelanggan bersama untuk pembiayaan. - Keyperson dalam perkongsian mestilah rakyat dari Negeri Pahang. - Perniagaan atau syarikat hendaklah didaftar atau diperbadankan di bawah akta syarikat 2016 (atau mana-mana pindaan yang berkaitan dengannya) - Perniagaan atau syarikat (yang dicadang untuk dibiayai) telah beroperasi sekurang-kurangnya tempoh 6 bulan dan disahkan oleh Jawatankuasa* - Premis perniagaan yang dicadangkan untuk dibiayai mestilah beroperasi di Negeri Pahang - Premis perniagaan yang dicadangkan untuk dibiayai hendaklah mendapat kelulusan daripada Jawatankuasa Program Pensijilan Halal Negeri Pahang bagi memastikan perniagaan dan premis tersebut berupaya mematuhi Manual Prosedur Pensijilan Halal Malaysia (yang dikeluarkan oleh JAKIM) dan/atau mana-mana peraturan lain yang berkaitan. - Usahawan hendaklah di bawah pengawasan Jabatan Pertanian, Jabatan Perikanan, Jabatan veterinar dan agensi Kerajaan Negeri Pahang yang lain.

* Merujuk kepada Jawatankuasa yang disahkan oleh Kerajaan Negeri Pahang.

No.	Soalan	Jawapan
4	Bagaimanakah proses permohonan pembiayaan boleh dilakukan?	Pemohon dinasihatkan untuk membuat permohonan pembiayaan di cawangan Agrobank di negeri Pahang yang berhampiran dengan lokasi perniagaan pemohon.
5	Apakah produk pembiayaan yang ditawarkan?	Pembiayaan Berjangka-i Untuk menyediakan perbelanjaan modal tetapi tidak terhad kepada pembelian peralatan aset perniagaan seperti mesin pemprosesan/pembungkusan, dan pembiayaan kos pembungkusan dan cetakan untuk memenuhi syarat Pensijilan Halal yang dinyatakan di dalam Manual Prosedur Pensijilan Halal Malaysia
6	Berapakah Kadar Keuntungan Efektif yang dikenakan kepada pelanggan?	4% setahun dikira atas baki bulanan.
7	Berapa Kadar Keuntungan Siling (KKS) dikenakan kepada pelanggan? *tertakluk kepada terma dan syarat	Kadar Keuntungan Siling: Kadar Pembiayaan Asas (BFR) + 4%* setahun atau 10%*, mana-mana yang lebih tinggi untuk pengiraan harga jualan
8	Berapakah tempoh kemudahan pembiayaan di bawah program ini?	- Tempoh pembiayaan adalah sehingga enam puluh (60) bulan termasuk sehingga enam (6) bulan tempoh penangguhan. - Tempoh penangguhan pembayaran prinsipal tidak melebihi enam (6) bulan
9	Berapakah had pembiayaan berjangka-i yang boleh dimohon?	Jumlah had pembiayaan berjangka-i adalah sehingga RM350,000 berdasarkan struktur yang berikut: Operasi: - Sehingga RM100,000: Menaik taraf premis atau pembinaan premis untuk memenuhi piawaian Pensijilan Halal; - Sehingga RM200,000: Pembelian aset tetap perniagaan seperti mesin pemprosesan/pembungkusan yang memenuhi syarat Pensijilan Halal; - Sehingga RM25,000: Pembiayaan kos pembungkusan dan cetakan, kos analisa kawalan kualiti (nutrisi, kajian jangka hayat dan sensori), rekabentuk pembungkusan termasuk bayaran khidmat perundingan pembungkusan, kos acuan cetakan dan bahan pembungkusan; Pensijilan Halal: Sehingga RM25,000: Permohonan Pensijilan Halal yang terdiri daripada: - Bayaran Sijil Halal selama dua (2) tahun - Kadar caj perkhidmatan yang ditetapkan dan mengikut kategori perniagaan dan aktiviti seperti yang dinyatakan dalam Manual Prosedur Pensijilan Halal Malaysia
10	Apakah dokumen yang diperlukan untuk tujuan permohonan?	Berikut adalah dokumentasi yang diperlukan untuk permohonan: Laporan yang disahkan oleh Jawatankuasa

No.	Soalan	Jawapan
		Sdn Bhd / Bhd - Audit akaun tidak melebihi dua puluh satu (21) bulan dari tarikh permohonan; DAN - Tahun semasa Akaun Pengurusan tidak melebihi Sembilan (9) bulan dari tarikh permohonan atau enam (6) bulan terkini Penyata Bank dari tarikh permohonan pembiayaan (2 bulan dari tarikh permohonan pembiayaan boleh diterima) Pemilik Tunggal / Perkongsian - Penyata Bank enam (6) bulan terkini (dengan semua Bank) dari tarikh permohonan pembiayaan (2 bulan dari tarikh permohonan pembiayaan berjangka-i boleh diterima); DAN - Akaun Pengurusan tidak melebihi Sembilan (9) bulan dari tarikh permohonan; ATAU - Penyerahan Cukai (Borang B/Borang J) Pengecualian untuk perniagaan kurang daripada 12 bulan, keperluan dokumen kewangan ialah: - Enam (6) bulan terkini Penyata Bank (dengan semua Bank) dari tarikh permohonan pembiayaan (2 bulan dari tarikh permohonan pembiayaan boleh diterima); DAN - Akaun Pengurusan tidak melebihi sembilan (9) bulan dari tarikh permohonan pembiayaan/kemudahan pembiayaan; Nota: Tarikh permohonan adalah tarikh penyerahan
11	Berapakan margin pembiayaan?	Sehingga 100% termasuk sumbangan kredit takaful, duti setem dan kos suratcara
12	Apakah konsep Shariah yang digunakan?	<u>Tawarruq</u> Produk ini mengguna pakai konsep tawarruq yang melibatkan dua kontrak jual beli. Kontrak pertama melibatkan penjualan aset oleh penjual kepada pembeli secara Tangguh. Seterusnya, pembeli bagi urus niaga penjualan yang pertama akan menjual aset yang sama kepada pihak ketiga secara tunai. Melalui pembiayaan ini, pihak Bank akan membeli komoditi (minyak sawit mentah, resin plastic atau apa-apa komoditi yang dinasihatkan oleh pembekal komoditi) daripada pembekal komoditi dengan harga kos (berdasarkan kepada jumlah pembiayaan). Kemudiannya, pihak Bank menjual komoditi tersebut kepada Pelanggan secara Murabahah iaitu harga kos ditambah keuntungan dengan bayaran tertangguh. Seterusnya, pihak Pelanggan melantik Bank sebagai wakil (wakalah) untuk menjual komoditi tersebut pada harga kos secara tunai kepada pihak ketiga. Hasil jualan tersebut akan dikreditkan ke dalam akaun Pelanggan sebagai amaun pembiayaan yang dikehendaki oleh Pelanggan. Komoditi yang diguna pakai bagi tujuan transaksi Tawarruq tertakluk kepada komoditi broker.

No.	Soalan	Jawapan
		Wakalah Di bawah Kemudahan ini, Bank akan menggunakan mekanisme dwi-agensi di bawah konsep <i>Wakalah</i>. Pelanggan melantik Bank sebagai ejen pelanggan untuk menerima pembelian komoditi daripada Bank dan seterusnya menjual komoditi tersebut kepada Pembekal Komoditi lain bagi pihak pelanggan untuk melengkapkan transaksi Tawarruq. “Komoditi” dalam konteks transaksi Tawarruq adalah merujuk kepada apa-apa jenis komoditi patuh Syariah yang diterima pakai oleh Bank seperti minyak sawit mentah, plastik resin, kredit prabayar atau apa-apa komoditi yang dinasihatkan oleh Pembekal Komoditi yang diniagakan di mana-mana Platform Dagangan Komoditi yang diluluskan oleh Bank.
13	Bagaimanakah sekiranya saya membuat penyelesaian awal?	Rebat (Ibra’) akan diberikan kepada pelanggan berdasarkan formula semasa yang tertera, sekiranya berlaku salah satu senario (tetapi tidak terhad kepada) berikut: - Penyelesaian awal atau penebusan awal atau pembayaran awal; - Penyelesaian Kemudahan disebabkan pelaksanaan penstrukturan; - Penyelesaian awal oleh pelanggan bagi kes kemungkiran di mana walaupun pelanggan mungkir, pelanggan membuat penyelesaian penuh bagi keterhutangan Kemudahan sebelum tarikh matang; - Penyelesaian oleh Pelanggan bagi kes penamatan atau pembatalan Kemudahan sebelum tarikh matang.
14	Bagaimanakah cara bayaran kemudahan pembiayaan ini perlu dilakukan?	Secara ansuran bulanan melalui mana-mana saluran berikut; - Arahan tetap (SI); - Mesin Deposit tunai (CDM); - Pemindahan dalam talian “(Automated Teller Machine (ATM)” atau melalui perbankan internet); - Melalui kaunter mana-mana cawangan Agrobank.
15	Dimanakah saya boleh mendapatkan keterangan lanjut dan borang permohonan?	- Pusat Panggilan Agrobank di talian 1-300-88-2476; - Layari laman sesawang rasmi Agrobank www.agrobank.com.my ; - Kunjungi cawangan Agrobank yang berdekatan; - Layari media sosial rasmi Agrobank iaitu Facebook, Instagram, Twitter.